



*Selasa, 11 Mei 2021*

**Ogen: Perngandungen 3 : 22-66**



**Erkadiola dingen Erpengarapen**



Megati kel sanga lit perbebenta lit masalah si nderpa kegeluhenta, tangkel ka pinakit ndenden kita, erbahsan kita ngelabuh, lanai tempa siidah Tuhan e erkuasa ras siengkuasai geluhta. Adi siandalken gegehta, lanai kita ngasup, adi siandalken gegeh manusia, temanta, keluarganta megati kita kecewa. Kitap perngandungen enda pe sada ratapan ibas ngalaken erbage bage perbeben, talu ibas peperangen, lanai lit pengarapenna ijapa nari pe reh perbeben, talu ibahan musuh, ukumen ibas Tuhan nari, erkadiola ibas perbahanen si enggo ilakoken dinging ngarap tetap ibas pengarapen gelah tetap ibas Tuhan alu nginget perbahanen si gelgel si enggo ilakoken.

Enda me jadi pergegeh kata "lenga bo keru keleng ate Tuhan, perkuah ateNa tetap nge lit " bahkan kekelengen Tuhan e mbincar tep-tep erpagi-pagi bali ras tetapna matawari si pultak arah timur. Adi matawari la pernah ngelak, la lit, reh nge lalap, bagemepe keleng ate Tuhan e tetap nge nusur man banta si erbahansa la kita mbiar ndalani kegeluhenta. Tupung reh perbebenta kita nge simegati nadingken Tuhan, adi Tuhan la pernah nadingken kita. Emaka megati ikataken " ketika Tuhan menutup pintu disisi kanan, Tuhan akan membuka jendela di sisi kiri la pernah peltep kekelengen Tuhan man banta.

Adi sigejapken uga belinna kekelengen Tuhan, iberekenNa man banta kesehatan, rejeki, dikune lit perbebenta, alu la siduga lit serpang puluh e kerina me pasu pasu Tuhan si mbelin nge man banta. Bagi sinikataken ibas kitab Perngandungen enda iluhku erdire-dire la erngadi ngadi bali ras lau si maler, seh ipergermetken Tuhan i surga nari. Enda me si jadi pergegeh man banta maka keleng ate Tuhan e labo erpeltep-peltep man banta ibas kegeluhenta.